



partii naleraq

14.nov 2018

UKA2018/136

Meeqquerivinni pikkorissunik sulisoqalernissaq anguniarlugu qanoq iliorluta perorsaasutut ilinniarnep sulinissallu pilerinarnerulernissaa pillugu apeqquteqaat allaavigalugu oqallinnissamik siunnersuut.

(Inatsisartuni ilaasortaq Nivi Olsen, Demokraatit)

Inatsisartunut ilaasortaq Nivi Olsen Demokraatit, oqallinnissamik siunnersuuteqarpoq Meeqquerivinni pikkorissunik sulisoqalernissaq anguniarlugu sulinerullu pilerinarnerulernissaa anguniarlugu oqallinnissamik siunnersuuteqarluni tamannalu oqaaseqarfigissavarput.

Nunatsinni meeqqat tamarmik meeqquerivinni inissaqarnissaat nunaqarfinniippata illoqarfinnipatalu qulaqqeerniartariaqarpoq, aammalu tamarmik meeqqat meeqquerivinni inissaqarnissaat inatsimmi piumasagataagaluarpoq, massakkumulli tamakkiisumik naammassisimanngisarput naak inatsisartut inatsisaanni qulakkeerneqartussagaluartoq.

Inunnik isumaginninnerup iluani sulisunik tamakkiinerusumik pissarsinissaq qularinnigilara tamatta kissaatigisaripput, minnerunngitsumik meeqqueriviit eqqarsaatigalugit, aammalumi isumaginninnerup iluani suliffiit allat tamaasa ilanngullugit, pingaartumik aamma utoqqaat illuini sulisut ilanngullugit.

Partii Naleqqamiit oqaatigerusupparput isumaginninnerup iluani sulisut assut nersortariaqartumik sulisut, naak ilaatigut immaqa suliffinni atugassarititaasut avatangiisillu oqitsuinnaanngikkaluartut, isumaqarluinnarpugullu pikkorissumik isumaginninnerup iluani tamarmik sullissisut, qujassutissaqarfigaagullu meeqqanik utoqqarnik innarluutillinnik isumaginnittoqarfiit meeqqanik paarsisarfiit tamaasa ilanngullugit nersornartumik sulinerat pillugu.

Ukiuni makkunani assut ilungersunartumik isumaginnittoqarfinni sulisussanik amigaateqartarpugut, naak sullinneqartussat aamma amerliartoraluartut. Tassami ajuusaarnarluinnartumik angajoqqaat meeqqanik sumiginnaanerat annertusiartortutut immat.

Taakkualu qaavatigut sullississut Atuarfinni, meeqquerivinni, utoqqaat illuini, innarluutillit sullinneqarneranni, ulloq unnuarlu angerlarsimaffinni, taavalu aamma utoqqaat namminneq najukkaminni angerlarsimasut, eqqarsaatigalugit ilaatigut sulisoqarnikkut ajornartoortarpugut, tamannalu arlaatigut sulinerup isumaginninnerup iluani sullissinerup kajumminanerulernissaanik suliniuteqarnissarput pinngitsoorneqarsinnaanngitsoq ersarissigaluttuinnarpoq.

Siunnersuuteqartup tunngavilersutai assut paasinarpur, tassami angajoqqaat allallu sullinneqartut kissaatigilluinnarpaat avatangiisit illersorneqarsinnaasumik toqqissinartumillu sullissiviusut pilersinneqarnissaat, tamannalu ilaatigut angujuminaatsoq takusinnaavarput pissutsit

allannortinnneqanngippata sulinermi avatangiisit aammalu sulisut ilinniarsimasut amerlasuut pigineqalinnigippata.

Taamaattumik ilinniarsimasut sulisut pigineqalissappata aamma immikkut aaqqissuussilluni ilinniartitsinerit kommunit peqatigalugit annertusarneqarsinnaapput, tassami isumaginninnerup iluani sulisorpassuit, tunniusimallutik ilaatigut ilinniarsimanngikkaluit, immikkut atuartinnerisigut ilinniarsimasutut sulisinnaanissaat anguneqarsinnaammat, tassami ukiorpassuarni isumaginninnerup iluani sulinerimmikkut misilittagaat sulisinnaanerallu ilinniarsimasunut nallersuussinnaanngortarmat.

Ullumikkut isumaginninnerup iluani sulisut aningaasarsiamikkut inissimanerat isigigaanni soorunami takusinnaavarput qaffasippallaanngitsut suliannut nallersuullugit taamaattumik immikkut aaqqiniaqatigiissinnaaneq eqqarsaatigisariaqarparput sulisut amerlanerusut isumaginninnerup iluani pigineqalissappata

Ullumikkut toqqaannartumik nalunngilarput akissarsianut sulisut eqqarsaatigalugit toqqaannartumik akuliussinnaanngitsugut. Pingaartumik sulisut kattuffii aamma saneqqutiinnarlugit inatsisartuni aalajangersaasoqarsinnaanngimmat. Kisiannili tamanna kisiat uniffiginagu kattuffii peqatigalugit aaqqiniaqatigiissinnaaneq eqqarsaatigisariaqalerpoq.

Naalackersuisut akissutaanni isumaginninnerup iluani suliniutit annertusarneqarnissaannik sulisunillu ilinniartitsinerup suli annertusarneqarnissaannik saqqummiussaqaqarnerat assut nuannaarutigigipput Partii Naleqqamiit oqaatigerusupparput

Aammalu iluarisimaarlugu sulisut aningaasarsiannut tunngasut pillugit paasissutissanik katersuiniarlutik nalunaarnerat aamma nuannermat, taamaallilluni nukiit ataatsimoortumik pissutsit ilungerunartut qaangerniarneranni ataatsimoorussaqaqarnissamik takutitsinerat tapersersussallugu neriorsuutigissagatsigu.

Meeqqat utoqqaat innarluutillit allallu isumaginninnikkut sullinneqartut atugaasa pitsaanerulernissaat anguniagaq assut nuannermat Naalackersuisut saqqummiussaata tunngavigalugit.

Taamatut oqaaseqarluta inatsisartunut ilaasortaq Nivi Olsen Demokraatit siunnersutaanut soqutiginaratumut qujaffigaarput neriulluta pissutsit ullumikkut isumaginninnermi tunngaviit pitsaanerulernissaat ikioqatigiissutigissagipput.

Hans Enoksen